



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏԱՐԱՆ

ԳԼԽԱՎՈՐ ՔԱՐՏՈՒՂԱՐ

Հ Ր Ա Մ Ա Ն N 276-Ա

20 մայիսի 2019թ.
ք. Իջևան

ՆԵԼԼԻ ՂԱԼԹԱԽԶԱՆԻՆ ՀՀ ՏԱՎՈՒՇԻ ՄԱՐԶՊԵՏԱՐԱՆՈՒՄ ՓՈՐՁԱԳԵՏ
ՆԵՐԳՐԱՎԵԼՈՒ ՄԱՍԻՆ

Հիմք ընդունելով Հայաստանի Հանրապետության կառավարության 2018 թվականի օգոստոսի 2-ի՝ <<Առանձին խնդիրների իրականացման համար պետական մարմինների կողմից փորձագետի ներգրավման կարգը և դեպքերը սահմանելու մասին>> թիվ 878-Ն որոշումը՝

հրամայում եմ.

1. Նելլի Ղալթախչյանին 2019 թվականի մայիսի 20-ից ՀՀ Տավուշի մարզպետարանի իրավաբանական բաժնում փորձագետ ներգրավել յոթ ամիս ժամկետով:

2. <<Պետական պաշտոններ զբաղեցնող անձանց վարձատրության մասին>> Հայաստանի Հանրապետության օրենքի 19-րդ հոդվածի 1-ին մասի դրույթներին համապատասխան սահմանել դրույքաչափ՝ գլխավոր պաշտոնների 3-րդ ենթախմբի սանդղակի և աշխատավարձի 1-ին մակարդակի գործակցի /3.21/ կիրառմամբ՝ 212309/ երկու հարյուր տասներկու հազար երեք հարյուր ինը/ դրամ:

 Недействительная подпись

X

ԱՐՄԱՆ ԳԵՎՈՐԳՅԱՆ

Ա. ԳԵՎՈՐԳՅԱՆ



Պ Ա Յ Մ Ա Ն Ա Գ Ի Ր N 5

ք.Իջևան

«20» մայիսի 2019 թ.

ՀՀ Տավուշի մարզպետարանը՝ (այսուհետ՝ Մարզպետարան) ի դեմս ՀՀ Տավուշի մարզպետարանի գլխավոր քարտուղար Արման Գևորգյանի, որը գործում է կանոնադրության հիման վրա մի կողմից, և Նելլի Ղալթախյանի գրանցված ք. Իջևան, Արցախյան փ.1 շենք բն.3, նույնականացման քարտ թիվ 010252666, 038 կողմից տրված 03.12.2017թ. (այսուհետ՝ փորձագետ) մյուս կողմից, կնքեցին սույն պայմանագիրը հետևյալի մասին՝

1. ՊԱՅՄԱՆԱԳՐԻ ԱՌԱՐԿԱՆ

1.1. Մարզպետարանը փորձագետին հանձնարարում է իրականացնել որոշակի աշխատանքներ, որոնց նկարագրությունը նշված է սույն պայմանագրի 1.3-րդ կետում և պարտավորվում է վճարել նրա կատարած աշխատանքի համար, իսկ փորձագետը պարտավորվում է կատարել հանձնարարված աշխատանքները սույն պայմանագրով սահմանված պայմաններով:

1.2. Փորձագետն անմիջականորեն ենթարկվում է բաժնի վարիչին:
Աշխատանքների կատարման վայրն է՝ համապատասխան մարմնի գտնվելու վայրը:

1.3. Սույն պայմանագրով փորձագետին առաջադրվող աշխատանքը ներառում է՝ Ապահովում է Հայաստանի Հանրապետության օրենքների, Հայաստանի Հանրապետության Նախագահի հրամանագրերի, կարգադրությունների, Հայաստանի Հանրապետության կառավարության և վարչապետի որոշումների, ինչպես նաև այլ նորմատիվ իրավական ակտերի կատարումը, Մարզպետարանի ենթակայության կազմակերպությունների և տեղական ինքնակառավարման մարմինների գործունեության մեջ:

Մասնակցում է օրենսդրության կիրառման պրակտիկայի ընդհանրացմանը, օրենսդրության կատարելագործման վերաբերյալ առաջարկություններ է ներկայացնում:

Միջոցներ է ձեռնարկում քաղաքացիների իրավունքները և ազատություններն ապահովելու ուղղությամբ:

Մասնակցում է մարզային ենթակայության կազմակերպությունների ղեկավարների կողմից ընդունված իրավական ակտերի ուսումնասիրության աշխատանքներին, օրենսդրությանը հակասող իրավական ակտերի առկայության դեպքում հաղորդումներ է ներկայացնում բաժնի վարիչին՝ դրանք օրենսդրությամբ սահմանված կարգով վերացնելու կամ կասեցնելու համար: Սահմանված կարգով տեղեկություններ է նախապատրաստում տվյալ բնագավառում կառավարության տարածքային քաղաքականության իրականացման վերաբերյալ:

1.4. Փորձագետի համար սույն պայմանագրով նախատեսված աշխատանքը համարվում է հիմնական :

2. ԿՈՂՄԵՐԻ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

2.1. Փորձագետը պարտավորվում է՝

2.1.2. Բարեխղճորեն կատարել սույն պայմանագրով ստանձնած աշխատանքները:

2.1.3. Պահպանել համապատասխան մարմնում սահմանված ներքին կարգապահական կանոնները, աշխատանքային կարգապահությունը:

2.1.4. Պահպանել աշխատանքի պաշտպանության և անվտանգության ապահովման միջոցները:

2.1.5. Իրականացնել աշխատանքային օրենսդրությամբ, «Հանրային ծառայության մասին» օրենքով և սույն պայմանագրով իրեն վերապահված այլ պարտականությունները:

2.2. Փորձագետն իրավունք ունի՝

2.2.1. Սույն պայմանագրի 4-րդ կետի համաձայն ստանալու վարձատրություն:

2.2.2. Պահանջելու համապատասխան մարմնից ապահովել Հայաստանի Հանրապետության օրենսդրությամբ սահմանված իր հանգստի իրավունքը:

2.2.3. Իրականացնելու Հայաստանի Հանրապետության օրենսդրությամբ և սույն պայմանագրով իրեն վերապահված այլ իրավունքներ:

2.3. Մարզպետարանը պարտավորվում է՝

2.3.1. Սույն պայմանագրի 4-րդ կետի համաձայն վճարել փորձագետի աշխատավարձը:

2.3.2. Սահմանված կարգով փորձագետին տրամադրել ամենամյա և նպատակային արձակուրդ:

2.3.3. Ապահովել անվտանգ և առողջության համար անվնաս աշխատանքային պայմաններ:

2.3.4. Փորձագետին ծանոթացնել կազմակերպությունում գործող ներքին կարգապահական կանոններին, աշխատանքի պաշտպանության և հակահրդեհային անվտանգության ապահովման պահանջներին:

2.3.5. Ժամանակին ապահովել փորձագետին անհրաժեշտ նյութատեխնիկական միջոցներով:

2.3.6. Փորձագետի անձնական տվյալները մշակելիս պահպանել Հայաստանի Հանրապետության օրենսդրությամբ նախատեսված պահանջները:

2.3.7. Իրականացնել աշխատանքային օրենսդրությամբ և սույն պայմանագրով իրեն վերապահված այլ պարտականություններ:

2.4. Մարզպետարանը իրավունք ունի՝

2.4.1. Ցանկացած պահին ստուգելու փորձագետին հանձնարարված աշխատանքների կատարման ընթացքը:

2.4.2. Փորձագետին ներգրավելու արտաժամյա աշխատանքների, որի տևողությունն իրար հաջորդող երկու օրերի ընթացքում չի կարող անցնել 4 ժամը:

2.4.3. Իրականացնելու աշխատանքային օրենսդրությամբ և սույն պայմանագրով իրեն վերապահված այլ իրավունքներ:

3. ԱՇԽԱՏԱՆՔԻ ՌԵԺԻՄԸ ԵՎ ՏԵՎՈՂՈՒԹՅՈՒՆԸ, ԱՐՁԱԿՈՒՐԴԸ

3.1. Փորձագետի համար սահմանվում է աշխատաժամանակի նորմալ տևողություն: Աշխատանքային օրվա սկիզբը սահմանվում է ժամը 09.00, ավարտը՝ ժամը 18.00:

3.2. Փորձագետին Հայաստանի Հանրապետության օրենսդրությամբ սահմանված կարգով տրամադրվում է ամենամյա նվազագույն արձակուրդ՝ 20 աշխատանքային օր տևողությամբ:

4. ՎԱՐՁԱՏՐՈՒԹՅՈՒՆԸ

4.1. Սույն պայմանագրով նախատեսված աշխատանքների իրականացման համար մարզպետարանը փորձագետին յուրաքանչյուր ամիս վճարում է հիմնական աշխատավարձ 212309 դրամ:

4.2. Փորձագետի համար հավելավճարներ, պարգևատրումներ, լրավճարներ չեն սահմանվում:

4.3. Փորձագետին արտաժամյա աշխատանքի յուրաքանչյուր ժամի համար վճարվում է հավելում՝ ժամային դրույքաչափի 50 տոկոսի չափով:

5. ՊԱՅՄԱՆԱԳՐԻ ՓՈՓՈԽՈՒՄԸ, ԼՈՒԾՈՒՄԸ ԵՎ ԴԱԴԱՐՈՒՄԸ

5.1. Սույն պայմանագիրը կարող է փոփոխվել և լրացվել միայն կողմերի փոխադարձ համաձայնությամբ՝ բացառությամբ աշխատանքային օրենսգրքով նախատեսված դեպքերի: Սույն պայմանագրի փոփոխությունները և լրացումները կատարվում են լրացուցիչ համաձայնագրերով, որոնք կհանդիսանան սույն պայմանագրի անբաժան մասը:

5.2. Սույն պայմանագիրը լուծվում է աշխատանքային օրենսդրությամբ նախատեսված կարգով և դեպքերում, ինչպես նաև առանձին խնդիրների իրականացման համար պետական մարմինների կողմից փորձագետի ներգրավման կարգի խախտմամբ կնքված լինելու դեպքերում:

6. ՊԱՅՄԱՆԱԳՐԻ ԳՈՐԾՈՂՈՒԹՅԱՆ ԺԱՄԿԵՏՆԵՐԸ

6.1. Պայմանագիրն ուժի մեջ է մտնում կողմերի ստորագրման պահից և գործում է մինչև 20.12.2019թ.:

7. ԵԶՐԱՓԱԿԻՉ ԴՐՈՒՅԹՆԵՐ

7.1. Սույն պայմանագրով չկարգավորված բոլոր հարցերը ենթակա են կարգավորման Հայաստանի Հանրապետության օրենսդրությամբ սահմանված կարգով:

7.2. Սույն պայմանագրով չնախատեսված դեպքերում կողմերն իրենց պարտավորությունների չկատարման, կամ ոչ պատշաճ կատարման համար պատասխանատվության են ենթարկվում Հայաստանի Հանրապետության օրենսդրությամբ սահմանված կարգով:

7.3. Սույն պայմանագիրը կազմված է երկու օրինակից, որոնք ունեն հավասար իրավաբանական ուժ, յուրաքանչյուր կողմին տրվում է մեկական օրինակ:

Գլխավոր քարտուղար
Ա. Գևորգյան

(ստորագրությունը)



Փորձագետ
Ն. Ղալթախյան

(ստորագրությունը)

ԻՐԱՎԱԲԱՆԱԿԱՆ ԲԱԺՆԻ ՓՈՐՁԱԳԵՏԻ ԱՇԽԱՏԱՆՔԱՅԻՆ ԾՐԱԳԻՐ

Հիմք ընդունելով 2018 թվականի օգոստոսի 2-ի՝ «Առանձին խնդիրների իրականացման համար պետական մարմինների կողմից փորձագետի ներգրավման կարգը և դեպքերը սահմանելու մասին» Հայաստանի Հանրապետության կառավարության թիվ 878-Ն որոշումը՝ ՀՀ Տավուշի մարզպետարանի իրավաբանական բաժնում ներգրավվել փորձագետ:

Փորձագետ ներգրավելու հիմնավորում

- Առանձին խնդիրների և իրավական ոլորտի ծավալուն և կոնկրետ գործառույթներ իրականացնելու նպատակով, օրենսդրության կիրառման պրակտիկայի ընդհանրացման, օրենսդրության կատարելագործման վերաբերյալ առաջարկությունների ներկայացման, առանձին կադաստրային գործերի մասնագիտական ուսումնասիրման և օրենսդրության հակասող իրավական ակտերի առկայության դեպքերը բացահայտելու, ինչպես նաև բաժնի կանոնադրության խնդիրներից բխող իրավական ոլորտին վերաբերող գործառույթների իրականացման ծավալների ավելացման պատճառով անհրաժեշտություն է առաջացել մարզպետարանի իրավաբանական բաժնում ներգրավել փորձագետի:
- **Փորձագետից ակնկալվող արդյունքներ**
- Առավել արդյունավետ դարձնել բաժնի առջև դրված գործառույթներից և խնդիրներից բխող իրավական ակտերի նախագծերի, առաջարկությունների, եզրակացությունների, այլ փաստաթղթերի նախապատրաստման, կազմակերպման և համակարգման աշխատանքները,
- Բաժնի առջև դրված գործառույթներից և խնդիրներից բխող իրավական ակտերի նախագծերի, առաջարկությունների, եզրակացությունների, այլ փաստաթղթերի նախապատրաստման վերաբերյալ մեթոդական պարզաբանումների և ուղեցույցների մշակման աշխատանքների արդյունավետության բարձրացում,
- Փորձագետի աջակցության շնորհիվ կբարելավվի օրենսդրությամբ սահմանված կարգով մեթոդական և գործնական օգնությունը՝ օրենսդրական տեխնիկայի կանոնների կիրարկումն ապահովելու նպատակով,
- Քաղաքացիների առաջարկությունների, դիմում-բողոքների, պետական կառավարման մարմինների, տեղական ինքնակառավարման և այլ մարմինների գրությունների

ուսումնասիրման, դրանց ընթացքը օրենքով սահմանված կարգով լուծելու աշխատանքների արդյունավետության բարձրացում,

- Իրավական ակտերի ուսումնասիրման, օրենսդրությանը հակասող իրավական ակտերի առկայության դեպքերը բացահայտելու աշխատանքների իրականացման ծավալների մեծացումը:

- Փորձագետի աշխատանքային պարտականություններն են՝

- Ապահովում է Հայաստանի Հանրապետության օրենքների, Հայաստանի Հանրապետության Նախագահի հրամանագրերի, կարգադրությունների, Հայաստանի Հանրապետության կառավարության և վարչապետի որոշումների, ինչպես նաև այլ նորմատիվ իրավական ակտերի կատարումը, մարզպետարանի ենթակայության կազմակերպությունների և տեղական ինքնակառավարման մարմինների գործունեության մեջ:
- Մասնակցում է օրենսդրության կիրառման պրակտիկայի ընդհանրացմանը, օրենսդրության կատարելագործման վերաբերյալ առաջարկություններ է ներկայացնում բաժնի վարիչին:
- Միջոցներ է ձեռնարկում քաղաքացիների իրավունքները և ազատություններն ապահովելու ուղղությամբ:
- Մասնակցում է մարզային ենթակայության կազմակերպությունների ղեկավարների կողմից ընդունված իրավական ակտերի ուսումնասիրության աշխատանքներին, օրենսդրությանը հակասող իրավական ակտերի առկայության դեպքում հաղորդումներ է ներկայացնում բաժնի վարիչին՝ դրանք օրենսդրությամբ սահմանված կարգով վերացնելու կամ կասեցնելու համար: Սահմանված կարգով տեղեկություններ է նախապատրաստում տվյալ բնագավառում կառավարության տարածքային քաղաքականության իրականացման վերաբերյալ:

- **Փորձագետին ներկայացվող պահանջներն են.**

- 1) ՀՀ քաղաքացիություն,
- 2) իրավաբանական մասնագիտությամբ բարձրագույն կրթություն,
- 3) առնվազն երկու տարվա մասնագիտական աշխատանքային ստաժ,
- 4) հայերենի գերազանց իմացություն (օտար լեզուների իմացությունը կդիտվի որպես առավելություն):

- **Փորձագետ ներգրավելու ժամկետն է 7/յոթ/ ամիս:**

- **Փորձագետի վարձատրությունը՝**

- <<Պետական պաշտոններ զբաղեցնող անձանց վարձատրության մասին>> Հայաստանի Հանրապետության օրենքի 19-րդ հոդվածի 1-ին մասի դրույթներին համապատասխան սահմանել

դրույքաչափ՝ գլխավոր պաշտոնների 3-րդ ենթախմբի սանդղակի և աշխատավարձի 1-ին մակարդակի գործակցի /3.21/ կիրառմամբ՝ 212309/ երկու հարյուր տասներկու հազար երեք հարյուր ինը/ դրամ:

- **Փորձագետը ամեն եռամսյակ կատարած աշխատանքների վերաբերյալ ներկայացնում է հաշվետվություն**

ՀՀ ՏԱՎՈՒՇԻ ՄԱՐԶՊԵՏԱՐԱՆԻ ԳԼԽԱՎՈՐ ՔԱՐՏՈՒՂԱՐ  Ա.ԳԵՎՈՐԳՅԱՆ

2 մայիսի 2019թ.

ՀԻՄՆԱՎՈՐՈՒՄ

2019 թվականի մայիսի 3-ին ՀՀ Տավուշի մարզպետարանի պաշտոնական կայքում տրվել է հայտարարություն մարզպետարանի իրավաբանական բաժնում փորձագետ ներգրավելու մասին:

Սահմանված ժամկետում դիմել է մեկ հավակնորդ՝ Նելլի Ղալթախյանը:

Դիմորդի փաստաթղթերի ուսումնասիրության և հարցազրույցի արդյունքում Նելլի Ղալթախյանի հետ կնքվել է աշխատանքային պայմանագիր:

ԳԼԽԱՎՈՐ ՔԱՐՏՈՒՂԱՐ՝



Ա.ԳԵՎՈՐԳՅԱՆ

20.05.2019թ